





問

問

遺

集

光緒辛卯冬男履福
開雕於良鄉縣官廨



序

余宦江右十年得徧交少年奇傑之士自癸甲以來大江東南半爲寇境沈子槐卿李子資齋死於鄱陽陳子仲則熙堂死於通山其嘗與余文酒往來定交崎嶇兵間以死而名不甚著者則又不可以數計范子直侯者江州名孝廉負踈蹠之才不得意以詩古文辭自豪其家燬於兵燹爲東諸侯客流寓廣豐亦以窮死死時僅三十有七嗚呼余重直侯名數年因高生以交直侯又數年然未嘗得一把臂也今讀直

問園遺集序

一

侯此詩烏得而不慟歲辛亥分校秋闈得士高生伯敦爲述直侯生平事直侯篤性孝友不樂時勢交獨與高生善嘗以高翁溇邨先生訃來懼實高哀而多善所開慰於老夫者乃益嘆直侯賢舊歲過訪鉛山適余赴鄉視秋賦粹相左未幾時高生書來曰直侯死矣嗚呼時事至此三三奇傑之士天旣生之旋復殺之是成何心哉直侯之詩志尙少陵於吾鄉兩當山房爲近其古文直摩昌黎之壘吏部不敢望已子美雖客死耒陽至今草堂遺築廟貌千古夫復何憾

獨怪仲則召試二等不遇入貲爲丞爲索逋者所迫
抱病踰太行出雁門次解州卒得年止三十五其才
其遇與直侯等嗚呼今之視昔不異昔之視今假令
直侯出而有爲其功業豈在沈李諸君子下不則効
節以死亦復差強人意何至步仲則後塵淹蹇牀簣
間作此寂寂耶雖然余老矣冷銅一具甫得謝責而
賊又擾境草間求活曾幾何時高生幸尙少年壯氣
勃勃豈惟國讐家憤藉以一洒吾輩未竟之志亦望
高生努力爲之其亦可以慰直侯於地下矣高生將
問園遺集序

二

梓其集寓書請序以余兩人相知之久相遇之疎故
不可以不言所以傳直侯者則高生在也咸豐丙辰
白露日荆溪臥梅老叟程嘉杰書

序

贈公范直侯元亨以名孝廉噪於時余耳其名久矣
顧以兵燹後求其著作不可得無何哲嗣六吉大令
奉問園遺藁詩以來叩其它著作仍不可得六吉名
履福娶於直隸玉田孫於余爲外孫輩嘗爲余述家
世及先人所著作甚詳今讀問園詩不名一家精氣
所流有直轢顏謝者或謂贈公詩宗尙白陸武岡鄧
辛楣則以爲公詩如渥洼神駒一日千里微嫌蹄齧
云云高丈心夔嘆爲知言愚謂論詩必欲以白陸爲

問園遺集序

三

羈勒則某不敢知否則以神駿而橫被蹄齧名世豈
無伯樂知龍媒聲價必不至因此論減也六吉勉之
問園詩旣不以兵燹燬則其它著作如四書註解五
經釋義問園詩文集問園詞藁空山夢傳奇秋海棠
傳奇紅樓夢評批諸書各若干卷安知不尙在人間
八十老人且拭目以待光緒丙戌仲冬月朔嫻家弟
董恂序於京邸還讀我書之室

無何哲嗣六吉大令

卷

序

同年范直侯余未之識也今見高伯足所刻其問圍
 詩抄及所為傳乃知之伯足余三十餘年昆弟交也
 伯足天才亮拔舉進士官江蘇有政聲以不善事上
 官罷斥而卒其詩余為序之同年李眉生手定之今
 見問圍詩何其境遇之相似也造物忌才豈不信哉
 范君有子履福官良鄉刊縣志方有志乎修學宮於
 邑之善政將次第行之其為有異乎俗吏者庶不愧
 名父之子也哉光緒己丑孟秋年愚弟吳縣潘祖蔭

四

序

序
 序
 序

其問圍端向其親愛之附也也哉
 晉書云兩卒其積余為朝之同平率皆坐事致之卒
 自服天木哀世舉舉士皆為藉首效蓋以不善事上
 補遊文視淵淵代賦之自服余三十猶年皇策交出
 同年於直類余未之識也今見高伯足所刻其問圍

序

德化范直侯壬子同歲生也蚤耳其名而南朔越千里
斷一見不可得嗣謁萬文敏師談及始知其已歸
道山師甚惜其才相與惓惓者久之既長君六吉刺
涿州執年家子禮來謁且出直侯詩一卷屬爲之序
授而讀之如飲秋露蟬謝絕塵壺如月下泛空舲峽
冷猿噉數與夜濤相應在李唐中於昌谷貞曜爲近
嗟乎此直侯之所以生而窮窮而天與咸豐初元粵
寇鳴張自江以西湖以東尤豺虎所出沒直侯負奇
問園遺集序


五

氣蹠躑兵革進不能擁旄仗節龕方萌之暴而芟夷
之扞衛鄉里退無一隴之植足資以養荒江破屋半
菽不飽僕飢走數更府主獨有纍然一妹相贈答於
榛莽間又不幸委霜露而直侯生意盡矣其憔悴憂
傷之旨一發於詩詩日工而境日窮文敏師才直侯
卒亦無以相振予聞直侯者且四十年始得讀其詩
而序之而文敏師宰樹又拱顯晦之迹存沒之故其
感喟爲何如也今直侯不天必有以自裸於世不至
終窮窮矣猶將大昌其詩與昌谷貞曜相後先而所

得止於是亦命也耶然直侯雖窮且天而六吉官畿
東所至有政聲直侯半寸之稟終顯於後爲昌谷貞
曜續殆天有以報直侯而六吉所當勉焉益大直侯
之緒者也

光緒十三年丁亥三月年愚弟吳毓春識

問圖遺集序



六

光緒十三年丁亥三月年愚弟吳毓春識
之辭昔也相振予問直侯善且四十
鄙齋欲天首以時直對而大吉視當
東視至首知要直對半寸之稟終顯
書立獄是亦命也耶然直侯雖窮且天而六吉官畿

序

范直侯孝廉元亨當咸豐初嗣名噪一時余從軍江右聞其才學磊落湛深癖嗜吟詠著有四書註解五經釋義詩文集各種贈炙人口祇以戎馬倥傯未獲一覩其稿爲感光緒丁亥冬余調署西路與哲嗣良鄉范六吉大令同官一方以直侯問園詩鈔索序因叩其他著作則以疊遭兵燹燬棄無存僅此得湖口高丈心夔之刻以存惟然六吉宜知所勉矣夫問園詩鈔旣不燬於兵燹之際其四書註解五經釋義各

問園遺集序

七

著作或亦存於知好者之家未可知也第細味斯作音節鏗鏘氣格蒼老知其涵養於唐宋大家者深原難指名必謂之宗尙白陸未免近拘耳吁嗟乎直侯才學雖未得窺全豹卽此已可畧見一斑維時正軍興需才之會直侯但肯俯就功業自未可量乃一出不合輒棄去而固窮不濫有顏子風其志節之不可及良足悲矣爰爲之序以廣直侯之傳並識六吉善成先人之志云爾

光緒戊子季秋上澣霞山愚姪郝聯薇書於蘆溝橋

曉月晴嵐之北花亭

繼化... 東... 香... 且... 仍... 先生...

惟... 為... 然... 先生...

問園遺集序

八

昔... 唐... 夫...

本... 其... 不... 及... 我...

不... 及... 我...

不... 及... 我...

魏氏韻嵐之北花亭

序
德化范直侯先生問園遺草一卷同里高君碧湄所

策而梓者也行於世久矣詰嗣六吉官畿輔走相索者踵至而舊板藏弄南昌漸就散失無復存者因就其鄉人處假鈔一通仿點石齋法而印之從其便也仍復鳩工鏤板以廣其傳嗚呼先王之詩傳矣顧念先生負穎異之姿窮愁讀書博通今古年甫三十著作滿家凡五經四子書皆有傳述而詩古文辭又各爲若干卷區區遺草非先生之全也然則先生之以

問園遺集序

九

詩傳者亦僅矣其他之不傳者尙夥此豈人事哉當是時流寇起粵西破武昌下江南九江府賊迹往來之區一再淪陷廬舍皆墟先生憂國憂家不暇自收其稿也讀其述鄧太守詩與君各少年努力事旂常天下正多事不願工文章之句其志又有在矣乃奔走天下欲徧求同志之士慷慨殺賊以抒平生之憤而所如不合旅而病病而死天之扼先生何其甚耶抑或留遺於其後人以大闡先生未竟之志耶未可知也人瑞幼耳先生遺事獲親挹顏色今幸與詰嗣

同官同好重之以婚姻得具悉先生遺事不能無感
於先生之遇至先生之詩之所以可傳者高君序傳
言之詳矣人瑞何知焉人瑞又何辭焉

光緒十七年歲在辛卯姻愚姪魯人瑞謹序

問園遺集序

十



夫辭下計爭流玉辛眼眼想曾人嶺嶺事余之
言亦藉矣人嶺嶺賦語入繼又回續讀
欲欲生之學至矣生之詩亦足以可傳者高君
同官同好重之以婚姻得具悉先生遺事不能無感

序

光緒十二年四月上旬澤賓隨沈虞卿先生桂丹巖
兄同訪范直侯先生問園遺址於是去直侯之歿已
三十二年矣周歷瓦礫之場頓感風流之盡悽然惆
悵不釋於懷歸詠一篇復要沈翁桂兄同作遂併三
人詩錄於帙且將徧徵同人和作澤賓乃僭爲序之
曰夫人生之始不能無心心之所之不能無著或在
立德之途或在立功之域或在立言之方然立功權
操之人德言權執在己可力爲之不容諉也第功德

問園遺集序

七

在人流傳較易區區一言何關輕重求信今傳後綦
難必竝世之時良師益友相與延譽閱世之後詞人
才子遞相稱述而後言可不朽也直侯先生功德不
見於當時今所傳者詩一卷耳吾不知吾心何以與
之契合若是也旣而思之亦有故焉吾生四十三年
其所自著者亦詩一卷耳與直侯類是以感也嗟乎
我國家中興以來以儒生安天下都將相者多矣
乃直侯旣失之於前吾輩復失之後百年易盡寸衷
何如但化者抱悵九原衰疾者栖遲此世覩前人之

陳迹觸一己之襟期人海茫茫誰知蕭閒寂寞之中
大有人在天下窮士之多古今奇材之晦皆可悟已
能無感乎光緒十二年丙戌春姻世愚姪德化蔡澤
寶謹序

問園遺集序

五



寶齋年

論無聊平來辭十三平丙戌春姻世愚姪德化蔡澤
次有入五天不讓生之憂古今奇材之晦皆可悟已

則必歸一己之襟期人海茫茫誰知蕭閒寂寞之中

傳

湖口高心夔撰

范生元亨初名大濡九江人生九月父客東流令籤書匱庭中元亨識其籤曰義聚堂范父訝令一一讀無譌東流令奇之逾年授論語責誦少過矇昧無所得則置書嬉遊舍傍陂陁間頃之背誦如流水九歲作菊頌甚警東流令持其帙示府中賓客曰安得生子如范生哉令有女長元亨一歲亦慧令意屬元亨元亨辭還九江故圃濱甘棠湖歲久葑蔓荒蹊迷失問園遺集傳

三

率家人剪別畧盡畫兩畦隔種叢菊其半治蔬自給日偕二女弟讀書廡下時父衰老瑟居且病覩兒輩怡怡泊如也郡太守察生賢才數迎往傳諸子稍就輒歸舍潯陽帥施公者嘗善書八尺鵝字期太守與客琵琶亭賦詩賦者番十數客無當帥意元亨汎舟刺亭渚太守遽遮入飲飲已詩成帥大喜脫綢冠加元亨首曰此物屬范生矣上坐客故弱范生至是駭而起面揖謝坐逡巡逃出會學使者按郡擢秀材第一爲易名元亨教之曰江西彭元瑞戴衢亨今代劉

子政也以是爲而名而必勉之於是益以能文稱道
光丙午選優第一中副車咸豐二年舉於鄉明年試
京兆罷歸廣西賊遂已浮湘下入據金陵九江再陷
某達官辟從軍軍彭蠡西畫方畧適不行棄去已而
果潰元亨携妻子徙南昌與武岡鄧輔綸攸縣龍汝
霖長沙李壽蓉同郡陳大力高心夔等友善輔綸之
弟繹及湘潭王開運屢報書爲借隱計於是始不欲
以功名顯初吳人程叟吏隱江西以獎才厲俗爲務
列論輔綸等五人爲湘中五子以元亨及大力心夔
問園遺集傳

古

爲江州三君心夔程叟弟子也故得與五年秋避地
東遊道鉛山訪程叟不值留廣豐感煩暑疾卒年三
十有七已更三年心夔乃得其逸詩傳之而程叟爲
之序直侯蓋其字云

宋真宗皇帝... 南昌與旌岡... 轉餘... 謝...
... 軍... 西... 畧... 不行... 棄去... 已而...
... 果潰... 元亨携妻子徙南昌與武岡鄧輔綸攸縣龍汝
霖長沙李壽蓉同郡陳大力高心夔等友善輔綸之
弟繹及湘潭王開運屢報書爲借隱計於是始不欲
以功名顯初吳人程叟吏隱江西以獎才厲俗爲務
列論輔綸等五人爲湘中五子以元亨及大力心夔
問園遺集傳

高心夔曰子總角時聞范生有女弟二人曰淑曰潤
皆善詩歌屬文篤孝友淑年二十六不字而卒潤嫁
邑少年一歲以憂卒范生天屬凌替門內傷感之故
尚有難可忍言者而蹇阨於時其天年也宜哉蓬巷
之土材器負俗顧并不能以文章自著重足悲矣誰
與采風吾將垂涕道之令知天下固多窮士也

問園遺集傳

五



之土林器負俗顧不能以文章自著重足悲矣誰
與采風吾將垂涕道之令知天下固多窮士也
高心夔曰子總角時聞范生有女弟二人曰淑曰潤
皆善詩歌屬文篤孝友淑年二十六不字而卒潤嫁
邑少年一歲以憂卒范生天屬凌替門內傷感之故
尚有難可忍言者而蹇阨於時其天年也宜哉蓬巷
之土材器負俗顧并不能以文章自著重足悲矣誰
與采風吾將垂涕道之令知天下固多窮士也

直侯先生遺像

問圖遺集



五

懷慨負氣
磊落使才
平揖李杜
下視鄒枚


受業甘醴銘拜讚

問

園

圖





古近體詩凡七十有一首

好女篇首

夜來何所夢

雪中望廬山

春日飲酒

遣懷二首

壽菊篇九月十七日作余生日也

跣跣雙鸚鵡

問園遺集

目錄

六

晚秋閒步訪余大

花下詩凡二十日余生日出

凍鳥篇首

飲酒詩

春晴望廬山

坐雨詩

雜興二首

過廬山下望雨勢絕奇

送戴夫子鼎恒之成都

述懷

作詩

憂來辭

送鄧八太守

輔綸

還武岡時聞官軍下九江

亦將東歸矣

明月篇

題李筮仙

壽蓉

蘭林詩卷

豫章送高十九

還湖口

因懷陳大

大力予

將赴幕信州留別龍大

汝霖

李三

壽蓉

并寄

問園遺集

目錄

七

鄧八

輔綸

鄧九

釋綸

武岡王大

開運

湘潭

觀錢南園侍御畫馬

因對刺大

大代

游仙詞

壽蓉蘭林詩卷

俠士行

虬髯客看妝圖

義牛行

太守

輔綸

數近岡初聞官軍下九江

寄書曲

仲春廬山野燒

有序

塞上舞劍行

南湖水

莫相憶

紅簫曲

開先瀑布

大雨

大士閣題壁

楊柳枝詞

秋嵐畫崧見寄賦答

鵲鴿飛

問園遺集

鷲虎翁

吳兒曲

吳娘曲

題王蓮舫桐陰課孫圖卽送還燕

題高伯敦夢遊碧虛圖

贈筆

所居六老堂廢園空落短牆周之牆外卽北郭

野塚纍纍可見入夜荒僻殊甚薄有異聞客

况蕭寂不能無詩



目錄

六

苦寒

秋夜

西齋雨坐

秋曉

白秋海棠

將歸呈戴太守三首

寄妹性宜

將別慰性宜

新秋

問園遺集

山行

中秋感懷亡妹性宜

古意

散步偶得二首

夜泊

傷春

閨詞四首

九

目錄

問園遺集

九江范元亨直侯著

好女篇

誰家有好女娟娟若明月

人生非月明歡愛年年缺

夜來何所夢

譬如過往客來此宿傳舍

俗子求長生妄術爭驚訝

問園遺集

問園遺集

日星繫青天繩斷終須下

花間一蜉蝣朝生暮復化

明知在夢中何不高枕卧

必欲求夢醒夢醒亦無那

卽此上乘禪推倒如來座

雪中望廬山

倚醉啟朔牖撲面梨羹飄

山北盡呈露慘若淡墨描

矗立遠公塔斜界仙人橋

凍泉勒玉龍斷樹撐枯鼇峰尖刷寒瘦縹緲但欲銷
其下一白漫雲氣連昏寥一峰黯其間恰當斷續交
此意通荒玄雲林不可招寒碧墮魂魄飛白嵌元枵
風景似吾廬青山對衡茅無乃綺牕前凍折梅花梢
春日飲酒

春芳不畏落年年開滿枝蜂蝶死霜雪微暖行復飛
大化有遞嬗去來無足悲齒髮本同體脫落不復知
顧此現在身良可深長思山中多白雲庭中陳酒卮
白雲有聚散酒卮無盡時

問園遺集

三

遺懷

山居苦多疾作客疾反少萬錢不可著疏食轉甘飽
紛事夫何常適已卽爲好苦樂理本齊人心自顛倒
慨念天地中當前以爲寶小草固無情秋風任衰老
誰使木樵花朝榮夕已槁悠悠南山雲無心自窈窕
出則爲甘霖倦則歸空島

貧賤慕富貴望之如神仙富貴慕貧賤耕鑿無憂煎
誰使君憂前得失心縈牽輾轉互枯慕自得何時全
茹檐亦復佳浮雲何足羨澤物自可樂何必言歸田

苟不愧貧賤貧賤何有焉苟不愧富貴豈曰非聖賢
所以古至人隨遇適其天君彈薰風琴臣鈞潁川煙
壽菊九月十七日作余生日也

問園有寒菊西風開一枝蒼老益嫵媚香色偏矜持
感此孤芳賞動我遲暮思左手拏缶壺右手持瓦卮
願言爲菊壽菊意頗不辭伏念桃李時疇復憐幽姿
一朝風霜來菊意殊恬怡榮落聽自然何心傲清淒
寒香久蘊蓄長壽斯其宜因思此寒菊曾受陶公知
澆酒復再酌慷慨前致詞入州都督後宦族今凌夷

問園遺集

三

督郵爾何人能折公腰肢自言歸田樂梨栗歡諸兒
乞食出門去高節族所訾豈無交謫語驅公豈惟飢
感此菊同調孤吟寄哀悲至今菊有花至今公有詩
嗟我貧窘態陶公信同之對菊懷平生兀傲不自支
九月識之無三歲誦韓碑十歲能文章文戰未嘗雌
二十猶青衿落魄難奮飛父母日衰老弟妹猶嬌癡
謀食苦奔走骨月常別離縱使我如菊遲開知何時
風雨况摧折相賞將待誰請飲三百盃不飲花其嗤
醉夢見陶公采菊相招嬉千秋共萬歲此菊長如斯

跖跖雙鸚鵡

跖跖雙鸚鵡構巢牆穴中據穴哺其兒朝夕費經營
雄雌互出入覓食無停畱啣食至穴口羣雛相嘈啾
哺食入兒口不暇自爲謀偶見生人來四顧防慮周
啣食不遽入穴口還逗遛漸喜兒能飛尙愁毛羽柔
雙雙飛引之緩緩移枝頭一朝鸚鵡出羣雛試飛始
一雛不禁風失足墮樹底狸奴捕得之唔唔若自喜
鸚鵡歸失兒遶樹聲怛怛一見不顧身逕前如奪取
舍小捕其大狸奴躍而起鸚鵡卻復前哀鳴聲不止
問園遺集

三

尙冀兒可生不知兒已死欲前既不敢欲去難自己
雌者忽飛去頃刻仍來矣口銜小青蟲飛向狸奴前
似以贖其子此情堪哀憐想見肺肝裂苦於不能言
狸奴殊不顧飽食而吞咽人物有同理我爲心惻然
弱肉強之食天下何滔滔試繫狸奴兒狸奴亦悲號
晚秋閒步訪余大

萬事不經意興到隨所往訪客不必遇愛此秋林爽
到門已不款相值忽林莽立盡斜陽下狂笑或撫掌
語罷忘何詞歸念不自強信步過蕭利地僻煙暉敞

眉月寺門低古佛作何想

花下

春庭無惡花花陰無驟風花底白衣人抱膝神從容
山鵲翠尾長翩翩來花中窺我讀何書碎研珠露紅
凍鳥篇

凍鳥寒不飛毳毛傍簷柱念彼依託心何忍驚使去
赫哉天地寒隆冬朔風怒所幸我與爾一椽託庇寓
北郊凍餒多敝衣不掩跣既無室廬依何有羽毛具
豈不同體膚安能競霜露願得回春風一爲溫窮庶
問園遺集

飲酒

我愛陶元亮心折惟一辭謂聊欲絃歌以爲三徑資
此豈流俗見良可深長思疏水易爲樂饑寒難自怡
眞能愛閒靜何日非皇羲愛菊亦偶爾飲酒輒爲詩
風裁不必峻栽植無還期何必學孔顏蓮社終無之
春晴

春晝如此喧不詩竟無術東風偶然來百草何紆鬱
晴煙感我心眞態臆中出游子驚壯年客懷近彌篤
時聞童稚嬉羨此居人福野人不讀書歡樂有天屬

脚躡望白雲佳氣滿原籬

坐雨

春窗微雨清山鳥啼更幽開窗坐虛榻時見山桃稠

昨憶步荒園數朶尋枝頭紅霧倏如此曉煙寒自流

雨繁聲又歇煙外聞鳴鳩清意入骨髓養心坐遙愁

昨夜偶有夢故人詩已鏤

夢亡友郭清才詩已梓成

平生抱微尚

天地心悠悠

雜興

人生無嗜好亦覺寡生趣有好以自娛詎可使爲累

問園遺集

三

平生頗有情卽物生留連數盡物自去於我無憎焉

我雖愛是物去留無不可人乃謀取之其好實過我

物歸甚好者於物無可嗟人失人得之是豈委泥沙

觀物以自娛偶然得其趣必欲窮物理亦足弊神智

造化以息我死前莫如睡睡足身若輕神完百愁退

頗悟無可求漸知閒有味小草積虛煙鳥啼破空翠

天地所未言默然與之會

過廬山下望雨勢絕奇

我行廬嶽下雨勢集遠態層岡蕩芳綠離合掣重靄

片日高低移對射赤氣飄颯雲壓其巔虺雷盪其外
鬼神睥睨顧真秀不可懷輿夫絕叫馳追雨及其背
不恨衣履濡翻惜筍輿快

送戴夫子

鼎恒

之成都

昔在庚子歲初逢騶旆塵平揖謁李杜

公見贈有平揖李杜語

意氣凌其羣公設禮羅之委贄登公門感激自茲始
青雲期致身貧賤屢顛躓衰墨增悲辛中間動謠詠
訛虎逾三人公揜耳却走讒集愛益真憐才出肺腑
過於天屬親使我司簿籍代我謀晨昏平原盛賓客

問園遺集

三

朱履紛駢臻尋常斗酒會含意獨得申伏維公弱冠
磊砢優經綸珊瑚採洱海羣彥輸金闈烏臺握白簡

一疏驚朝紳

公官御史時章劾宗室某

卽今秉一麾德並匡廬尊

事事以身教沉智察覆益大賢用未竟志業存生民

一朝投劾去遙泝岷江春惋惜遍土類黎庶攀車輪

公笑無一言賤子復何云錦城遠萬里天險虎豹屯

借問蜀山碧何似西湖濱

公故浙人

故園實難返嗟此薄

宦貧稍喜大耋年矍鑠中輪困葛藟古所歎誰能思

舊姻蘿弱強附本枝疎終庇根願爲似續謀異族非

明禋此語久欲言未忍令公聞此語竟不言負負慙
師恩病鶴鍛羽泣孤驥當風鳴爾生衆欲殺苦志誰
爲明父兄所難諒公乃鑿微誠感公匪旦夕揚眉託
階庭列郡晏無事寰海方澄清循良歲上計廩祿聊
代耕本圖學吏事意氣磨使平奈何捨此去使我心
魂驚平生慕恬澹託言歸養生信此達人懷做我功
名情君子尙曠觀天涯猶交楹公詩今授我努力存
正聲請歌蜀道難展望峨嵋青何當侍杖履負劍立

崢嶸

問園遺集

三

述懷

畏寒須重裘畏饑須再食畏喧不居家畏寂書遣日
有身迫諸畏負重不能釋循例作支吾精力疲已極
况乃心有知百憂等叢鏑煎心復勞形銷鑠成骨立
我欲法浮屠諸有咸棄置安得遂冥頑化爲木與石
作詩

少日任天籟塗抹雜妍媸中忽趨時名風格日以卑
疵類固云少真味亦已漓此事有心得悅人真自欺
幡然幸蚤悟痛懲從前非充此不肖心豈惟文字疵

我有朱絃琴彈之聲逾希亮非衆耳悅君子意何爲
憂來辭

有妹弱二歲少小最親密廿載共貧困憂患難殫述
我頑尚不支况汝閨閤質積勞果傷命三年卧床簪
雞骨漸奄綿休日愴已迫跬步縱不離相聚知幾日
暮從公府歸寒燈耿虛壁呻吟苦力薄有淚不能滴
對之不忍言慰語復狼籍入室見病婦頓頓日以益
未免私心憐操作未嘗息爲言小姑病憂思輒形色
骨月已如此生趣那可得嗚呼彼蒼天勞人腸斷絕
問園遺集

天

送鄧八太守

輔綸

還武岡時聞官軍下九江予亦將

東歸矣

木葉飛不已鴻雁紛度江烽烟滿天地送君還故鄉
朔氣驕征衣關河厲嚴霜精意一感激白日爲低昂
貽我瓊瑤篇韓杜參翱翔將別始相知人事胡可量
嗟予少寥落發言多蒼涼別君欲何言撫時增慨慷
公鄉有偉人挾矢射天狼墨衰傳檄起義聲聞八荒
羣才若流水志士皆龍驤金鼓一以震羣盜如驅羊
樓船首東下重地收尋陽我聞喜不制涕下霑衣裳

行將束書劍歸省松楸旁古來推楚才梗梓生南邦
與君各少年努力事旂常天下正多故不願工詞章
明年春水生相助來此堂陶然醉太平一舉當干觴
明月篇

明月流素光皎皎臨窗帷攬衣出庭戶昨圓今半規
明月尚如此歡會復能幾人生有聚散一別俄千里
木葉尚未飛秋聲已盈耳時未愧苟活志遠愁虛死
欲採芙蓉花殷勤報君子

題李篁仙

壽蓉

蘭林詩卷

問園遺集

五

大雅久岌業吾道幾淪亡湘中五君子志欲迴頽陽
直追正始風俯視空三唐短李過我齋體弱神揚揚
懷詩授我讀一卷披瓊琅青琴無竭音幽花含邈香
藩籬窺魏晉餘綺妃齊梁復古亮盛節俗士走且僵
抗志我所儀鄙懷終願將造物極詭麗終古殊景光
崑崙衆山祖泰華雄中邦羅浮與桂林亦足恣游翔
屈宋變風雅蘇李猶堅蒼崛起杜陵叟始洩乾坤藏
百川滙東海萬怪紛汪洋力振六朝衰不以時代妨
懷葛邃以古唐虞盛文章朔風閱羣動春夏滋發皇

可悟天才希規撫非所尙諸家出眞意一一畱菁芒
紉蘭擷秋菊豈不各芬芳燕瘦環則肥誰能致低昂
老兄愧早衰此事甘頽荒多君抱逸才所至誰能量
卓立觀千秋願勿區畛疆範古非不工所貴與古忘
豫章送高十九心夔還湖口因懷陳大大力余將赴
幕信州畱別龍大汝霖李三壽蓉并寄鄧八輔綸鄧

九釋

武岡王大

開運

湘潭

高生甫弱冠矯矯孫郎姿顧盼空江東老夫猶避之
鄧侯雅好賢適館陳臯比高才性牢落威鳳誰能韉

問園遺集

三

挈榼日相過談笑樂不疲孔璋古奇士一葦橫江來
執手各狂叫聯袂常追攜疾風吹斷雲勞燕東西飛
一朝別我去腸斷章江湄豈知千里遙聞聲盡相思
長庚擅樂府古艷無陳隋龍君挾天藻妃儷盈瓊瑰
趑然來足音驚喜不可支高生復且至憔悴無光輝
感此同心人懷抱一爲開雄譚策戰伐詎謔參侏儻
小李一清吟湖月爲低徊老龍發孤嘯川淨流雲遲
高生抱幽憂忍復爲歌詩中坐輒憤惋雪涕揮淋漓
往往聞鐘聲曳履芒然歸旣報子淵書亦與機雲期

致將召陳遵狎主騷盟齊譬如會中原晉楚撤藩籬
萬物有聚散秋人多別離老夫挈妻子長途犯炎曦
既迫稻粱謀遑擇梧桐棲青嶺苦未靖江漢繁金鼙
高生爾安歸爾歸增銜悽弟妹各饑餓窮谷今誰依
嘗胆草間伏泣血心中椎壯哉龍與李旗鼓仍交綏
翻悔遇合歡重此驅歌哀時危善自愛相逢寧豫知
古來艱大業半賴書生持慎勿自菲薄摧折瑤林枝
管樂豈異人努力答明時天涯若庭戶無爲歧路悲
觀錢南園侍御畫馬

問園遺集

三

蕭蕭榻上天風起真龍遠涉流沙水誰能放筆爲此
圖二百年來錢御史何年房駟墮人間羞立彤階仗
馬班嚼殘金勒神鬱怒朔氣紙上森清寒千金祇願
酬恩遇飛電無端從鞚馭顧盼分明解豸心迴身自
惜麒麟步鬣毛上指晴光撒萬里塵開蹋風走歎玉
長嘶徹九霄天門虎豹應低首我聞御馬好頭赤青
驄凋喪無顏色可憐畫骨今何人令人空憶曹將軍

游仙詞

上有盤鱗閃爍之赤龍下有深臨萬壑之孤峰前有

鬚眉皓白之古叟後有騎牛來往之青童迴旋飛登
入雲氣崢嶸樓觀開溟濛翩然玉女出揖客仙艷不
肯矜顏紅翠冠晶佩表高潔髻鬟搖漾光明中自言
不知生何代崑臺西望渾虛空頗憶婉妗作新婦雙
頰秀膩鮮芙蓉瑤壺之賓髮覆額服藥未免今成翁
東方博望不到處石牀綠簡無人通天地日月忘何
物况有死生富貴纏其胸但能任此長澹泊芝田得
穫歲得豐癡兒兀兀誦丹訣幾見笙鶴追相從蓬宮
嚴閉不可叩吾行卻訪商山蹤

問園遺集

三

俠士行

磊磊落落人中英不可劫以勢懾以氣而可動以委
曲之至情朝隨漁翁卧暮叱五侯座酒酣大笑登高
樓十五女兒彈箜篌解革囊而出之血漉漉者仇人
頭酒器良復佳爲汝浮一金釵十二行咄嗟齊變
色明日將爲萬里行紅粉牽衣淚痕溼

虬髯客看妝圖

李花風急楊花暮華堂客擁尸居素美人神與湛盧
寒月明已出秦城去匆匆走馬度蕭關野店梅開雪

滿山亂頭曉起臨清鏡光動千山曙雪間山前飛雪
大於掌有客虬髯虎眉額入門枕革卧胡床笑拂龍
淵看曉粧夫婿紅衫牽大馬凌晨秣粟當簷下由來
女子識英雄結鬢攬髮仍從容想見妝成前歛衽語
吹蘭氣馴驕龍太原已有真人起長嘯滄洲吾逝矣
斗大中原外有天南面男兒當自取吁嗟雷塘風雨
疾玉鉤斜畔春蕭瑟俠識深沈顧盼中僧繇點得秋
波出茅店荒寒大有人貴家歌舞散如雲不知當日
凌烟閣孰與蛾眉一寫真

問園遺集

三

義牛行

吾家老僕名孫辛自言暑月于田耕微雨時晴月未
落手叩牛角歌復行牛忽人立撲人伏牛乃當人據
其腹人從牛腹側一窺虎睛睽閃穿烟霏寒光射林
林忽震虎哮奔人巨雷迅此時見虎不見牛萬木悲
號月生暈虎憎牛鳴與牛擊牛怒於虎虎勢急噴沫
惟聞風雨聲爪牙亂捲驚沙立虎撲牛背來攫人牛
觸虎腹虎駭奔虎但爪人一耳去歸來抱牛泣如雨
牛喘力竭一息延淋漓頭角濡虎涎從此犁田牛漸

老主人不忍加鞭敲一朝牛死全家泣葬以做帷封
三尺長跪摩耳吞悲聲乞予爲作義牛行

寄書曲

寄書莫作魚作魚先剖腹寄書莫作鴈作鴈先繫足
不如寄向長江水終古悠悠流不已將書和淚擲中
流沉者任沉浮者浮吁嗟乎寄書何必望君知聊以
慰我中心思

仲春廬山野燒

有序

廬山柵民焚山作炭延燒巖谷草木皆燼然

問園遺集

壽

秋冬之交耳今仲春見之火勢猛熾數日不
絕觀者皆失色余惻然爲作歌

明月躍起青天垂清涼大地鋪玻瓈忽驚赤氣照窗
紙青天萬丈金龍飛分芒照野動霄漢火齊的爍蒸
紅霓分明九十九芙蓉一夜東風紅亂吹赤城震起
碧空破金谷圍倒珊瑚摧蜃樓吐燄結滄海隋宮烟
火橫青微直愁上惹碧雲着燒落星斗光霏霏融風
怒送赤虬駕百萬朱雀來合圍疑是通明集羣帝五
嶽然作庭煥輝燔柴祀天六丁下封禪赤簡臣能爲

又疑香爐紫烟起赤鰲失捧翻丹墀玉龍失勢不敢
怒五老相顧愁鬚眉豈知燎原縱野火崑岡烈燄人
爲災昨夜三百六十寺同聞異鳥聲諠諠老僧驚起
古佛淚罔兩笑舞狐兔悲山猿攜子竄深澗猛虎卷
死填溝池方生之竹幽谷蘭樹無拱把皆靡遺天山
獵火棧道絕赤壁之戰阿房灰昂藏獨立月明裏壯
懷千古相挽推但見全山忽破碎延巒列岫焚千堆
直將燒盡障隔處坐見天地成坦夷羲和鞭日海再
晝五雲所覆皆璨璀璨觀者置身十里外駭面金色頭
問園遺集
五

屢回時當仲春正長養火烈山澤誠非宜居民薪桂
半坐此名山近日無喬材可憐青陽變浩劫昆蟲草
木成煙埃吾欲牒告廬山君縱橫瀑布當空揮急將
甘露遍清灑月中素娥安在哉奇觀時人盡眼詫生
靈百萬使我哀

塞上舞劍行

角聲吹急飛元霜萬隊梟騎嘶曙光匣劍躍躍作人
語我是鎮鄒君請舞將軍拔劍當庭中欲舞不舞神
從容忽然匹練向空起滿庭颯颯生寒風玉龍天矯

下不得星辰錯落黯無色
匈奴遙看心胆裂鬼神聞
之四野泣繞身片片梨花飛
剗然一聲天地白舞罷
倒持歌腰畔側身北望獨歎息
吁嗟乎烈士心英雄
血都付沙場三尺鐵
安得邊雲割盡燕支紫
洗劍歸來報天子

南湖水

南湖水一片無痕波
屬委南湖水東風吹解不復凝
願君情似南湖水抽刀斷水流
不止君情莫似南湖
冰裂作千層更萬層

問園遺集

三

莫相憶

莫相憶相憶隔青山
鳥飛不到雲漫漫神凝目注吳
天端青山忽化琉璃碧
霧鬢風鬟隔山立

紅簫曲

妍風吹雨花欲開
春雲無語燕欲來
空煙冥冥月墜
水宛轉簫聲簾內起
芙蓉瘦死蕉葉乾
熏籠半揜金
簾閒綠窗人語生
夜寒輕陰搖漾
紅闌干闌干
僂遍都無那一雙蝴蝶裙邊墮

開先瀑布

三十三天雷鼓鳴萬峰元氣同一傾天恐此才太奔
放奇石堵截如奇兵千迴萬折不肯下破空陡向深
潭瀉潭底蒼龍夜不眠驚風迴合生空煙兩巖夾天
天勢逼潭影沉沉色寒碧想見靈怪潛幽宮終古淒
深無月日嶭巖迸力鬪奇觀神鬼橫僵獸拱立驚波
觸石作雲飛青銅鏡蘸梨花濕擘窠大字蟠銀鉤懸
崖倒挂猿猴愁我來作嘯大石上水泉聲盪長林秋
以手代瓢掬泉飲清入心脾涼透頂不知天地有人
間仙風縹緲衣裳冷

問園遺集

三

問山大雨

三日熱雲蒸作火雨勢欲來雲氣裏甘霖隔在半天
中欲到人間無路通鬱積不散結痞塊濃煙墨霧飛
濛濛忽然疾雷攻破障隔處萬片陰雲解作雨合併
一落勢萬千乾坤亂擊鼉鼉鼓譬如倒挽黃河上碧
霄漏天墮地成春潮千軍萬馬一時下豈能三點雨
點雲中飄乃知陰陽鬱積生奇氣一洩能教動天地
爲語小民莫怨作霖遲鬱之久者發之奇

奇石插天清如削百丈飛泉奪路出石不讓泉泉水
怒劈破雲根瀉寒玉浪花倒噴雲層層空山亂走雷
霆聲大土低眉呼不應風雨滿空一聲磬

楊柳枝詞

甘棠堤下波生煙柔春着枝枝可憐百花斌媚未爲
足對此不覺神魂牽妍婁娜饒天趣剪剪青眸若
迴顧不着微紅已斷腸一春此是傷心樹君不見少
婦樓頭黛痕濕暖風着人無氣力長安楊柳自青青
江南寂寞春消息

問園遺集

三

秋嵐畫崧見寄賦答

先生此趣無人識濃着秋烟澹敷墨心在斜陽野圃
間別有天然生意出蒹葭搖落吳江冷綠玉盈盈鴛秋
影入手初驚朝露流可憐不與秋霜盡客裏披圖忽
感傷故園此味正堪嘗卻憶荷鋤隨弟妹溪泉烹取
奉高堂

鵲鴿飛

爲周廉訪
繼新作

鵲鴿東飛飛復鳴竈下女兒朝夢驚主人相喚治茗
粥防有旅客來居停何處郎君騎大馬銀鞍煜燿當

門下聞自都中謁選來前往洪都作令者垢衣蓬髮
愧尊官俛首摧薪坐竈邊主人傳呼遞茶去含羞躑
躑未敢前舉目微看忽迴涕容顏恰與阿耶似妾身
自是竈下人漫擬輕將問公子貴官熟視意亦疑顧
問主人方得知急呼阿妹欲持哭驚退得勿尊官非
主人搜篋出符契猶是阿耶手書字互相嬉戲話兒
時分裂覓棗依稀記執手爲言風木悲此時主人亦
淚垂天公好奇胡乃爾貴賤離合須與期亟出黃金
報高誼小髻重梳壓珠翠官閣春寒起較遲愛惜青
問園遺集

三

衣不輕罽鶴俸裝成百寶箱小姑從此嫁彭郎

彭明府昌

運時令廣昌官至司馬

人間骨肉還相棄荆樹蕭條可斷腸

鷲虎翁

風木悲誰知生入水

腥風振木胡沙旋將軍入風身不見巨蛇撲風千丈
長將軍猿進持蛇吮蛇窘縛公數十遍公怒掉蛇蛇
寸斷手提蛇頭下山椒馬牛驚逸手夫號是時西川
方用兵逆苗五道來衝營蒼黃部曲散若鷲將軍木
立無一聲賊去將軍方五步將軍大呼大賊去直取
纛下射雕兒馬前羈躑挂無數羣賊洵呼動地來將

軍回突重雲開白練橫飛陣中截刀光無隙衣無血
元戎咄喏壁上觀出入箭林如等閒一朝使酒遭呵
叱拂衣去矣無畱跡至今頭白無人識年年鬻虎鄆
城北聞道西夷敢跳梁仰看月落珠杓光

吳兒曲

羊車吳兒不禁死麝串春衫白塵尾烏啼楊柳謝孃
家月落參橫唱蒿里淚濕梨花白紵衣橫波芳草萬
人迷夜來何處簫聲暖依舊冶遊人未歸

吳娘曲

問園遺集

四

吳娘十三肌骨明春愁如煙着人輕羅衣忽重花襲
霧游絲飛絮皆曹騰卻抱冰絃彈夜月紅蘭慧性生
前澈青天碧海下姮娥無月玉階明似雪姑射仙人
綠黛眉玉奩焚盡標梅詩封侯夫婿天分付不屬兒
家更屬誰

題王蓮舫桐陰課孫圖卽送還燕

龍門之桐高百尺風霜閱盡堅於石年年老鳳引雛
飛和聲恰中黃鐘律丈夫萬卷胸次橫讀書倚樹偏
多情蕭然吟嘯據梧坐但覺庭院生秋聲王君磊落

燕都士慷慨平生負奇志
纒邊誰識蔡邕琴
饑來空蝕神仙字
風木含悽賦載馳
輪蹄消鐵鬢
添絲全收閩海青山色
徧唱江南白紵詞
高才有賦翻鸚鵡
江岸琵琶重
弔古春風忽
夢故廬邊
清陰吹盡桐花雨
東華十丈軟紅塵
憶得讀書秋樹根
却付丹青圖此意
碧梧冉冉見桐孫
桐孫總角偏英秀
茂豫方如華發岫
琅琅如水瀉瓶聲
繞屋碧雲吹不透
先生感此着歸鞭
天宇襟懷獨浩然
棟梁未遂華年願
拱把先培奕葉傳
故人誼重畱難住
笑指吾廬課孫處
晚年

問園遺集

空

何事最關情
篋中書卷庭前樹
與余交契托忘年
飯

顛吟肩每互憐

君見贈有吟苦相憐太瘦生之句

潯陽送客銷魂岸

况值鶯啼草長天
題君此圖覺君好
驅塵無似歸家
早後來應解
惜清陰時人莫漫題
凡鳥

東華題高伯敦夢遊碧虛圖
蘇軾詩
快於丹青圖也

碧霄無縫星辰冷
瑤窗花夢吹香醒
蟾乾兔死怨長

年天風偷現華鬢影
神君不俗可與言
愛女憐才嬌

更憐鞭撻青蚪笞
白鳳徵召才子遊
鈞天女兒鳴玉

擘麟脯碎佩叢鈴
紫煙語長將明月
紀芳齡翠管三

千年十五低鬢一笑瑤釵墜冰雪照人無酒氣似憐
塵海慧根深蔚藍牋上珍珠字青天碧海不生塵修
到神仙更憶人遙知寂寞珠宮閉吟瘦琪花萬樹春

贈筆

男兒生有筆不能草檄遠殺賊便當坐依妝鏡臺笑
與佳人畫蛾眉安能埋沒故紙堆摧心肝兮徒爾爲
今日應制科明日書酒券棄折塵沙中時窮筆亦賤
呼筆無靈抱筆哭何由與爾玉門宿

所居六老堂廢園空落短牆周之牆外卽北郭

問園遺集

望

野塚纍纍可見入夜荒僻殊甚薄有異聞客
况蕭寂不能無詩

我來官廨居荒榭窗對白楊多野墳山月荒涼一燈
冷壞垣隔喚膺無人鬼車伊軋去歸壑蝙蝠啾啾來
打門危鳴立簷咽風語樹影墮地漫烟痕寒松吹落
五老欵蓴賴拂過仙靈裙夜空孤雁不可見噉唳相
應愁失羣是時村犬盡鳴吠俄覺兩界皆歷喧此聲
豈自湓浦來高堂仁聽增悲辛階前柝卒警不寐似
雜鄉語遙相聞去家百里非遠客廬嶽峻阻如峨岷

會須還臥圃舍下勿感異物徒沾巾

苦寒

僵立孤峯瘦空村生冷煙朔聲喧夜鳥霜氣薄朝眠
凍日助寒色愁雲低遠天窮簷温未得深愧兀吟肩

秋夜

秋迴溽栖樹天高月浸城一燈羈客影孤抱古今情
壯志生奇夢殘詩悔憤聲忽驚南去鴈斷續夜深鳴

西齋雨坐

空淨簾初捲微聞草木香雨珠明竹葉苔砌長秋棠
問園遺集

遶榻愛孤坐倚窗時一望近來閒澹極無夢到滄桑

秋曉

病秋常早起雲色暗庭陰盥櫛畢朝事爐烟澹素心
露花明衆草風葉語高林駭鹿久無夢墮中何用尋

白秋海棠

牆陰寒色映閒門煙碧于紗護蘚盆冉冉初三纖月
影盈盈十五女兒魂招來素怨如相語點破秋心不
見痕多少幽閨人絕代含情無那泣黃昏

將歸呈戴太守

歸見高堂喜可知爲辭函丈轉遲遲軒眉每怨豪狂
語下淚爲聽慷慨詩知已數人皆遠別窮途如此又
傷離平生感喟知多少况值停樽駐馬時
倚劍空慚骭髀身此生曾許不長貧饑驅氣藉知音
長感遇心惟少賤真百里極知非遠別故關今更少
詩人愁看客燕秋風裏猶繞雕梁別語頻

中年哀樂興闌珊短缺何堪一再彈羞倚文章博溫
飽歸依骨月共饑寒千秋期許何時副天下憐才似
此難今後風塵向何處天涯迴憶更漫漫

問園遺集

問

世華寄妹性宜

別來病減覺清癯慰汝愁眉儘暫舒桑樹苦寒添葉
未東風如夢有詩無高堂可勝曩時飯小妹新增幾
卷書事事賴君好扶植遠人何處不寬娛

所衣狐裘先伯物也敝褫僅存感以贈詩

何止狐裘三十年傳家故物比青氈暖從骨肉分來
好燭盡文章倍可憐伴讀不辭殘雪夜餘寒猶禦落
花天論公似出豐貂上會貯金爐錦匣邊

將別慰性宜

已慣淒涼且莫悲
新瘥全賴自扶持
病能強飯君休慮
才不終貧我亦知
不死尙多相見日
一生今是斷腸時
相期更續蘭臺史
誰遣扶床卽路歧

新秋

窄窄庭階短短牆
新秋過午動微涼
重簾盡捲人初浴
驟雨欲來花亂香
搗管靜聽荷葉響
微吟頻感黛蛾長
未應犢鼻風情減
金博山傍看晚妝

山行

芟天微雨潤紅泥
竟日籃輿却向西
石髮漸生溪水澗
問園遺集 望

綠嵐煙欲活畫眉
啼月餘殘魄峰頭
見柳壓春愁渡口
低行過女郎祠
畔路野風門外落
棠梨

中秋感懷亡妹性宜

病裏貧中倚賴深
天倫兄妹更知音
久長畱作平生憶
生死全違昔日心
野曠多風應透骨
夜臺無月可愁吟
當年此夕思親句
遺稿淒迷不忍尋

古意

海水作羹湯不用着
纖鹽歡能憐妾意
不用誇金錢

散步偶得二首

全錄自杜詩論

入春愁不醒，枯坐類新疴。緩步入林去，漸聞啼鳥多。
新歲寡歡遊，塊然誰與伍。荒寺門不扃，閒尋古佛語。

夜泊

短棹無波便可停，勞勞天地醉還醒。烏蓬一覺蘆花
夢，月落滿江星斗青。

湖果傷春

山花寂寂紅成淚，野草漫漫綠是春。自覺春腸淒欲
斷，不關真有斷腸人。

閨詞

問園遺集

吳

芳草全鋪白，下城東風纔放一分晴。青天未必無情
思，雲自桃花多處生。

年年蒲戲困春慵，試卜臬盧元日中。釧響冷冷心暗
祝，果然六博一齊紅。

晚妝宜換素衣裳，澹絕玉階新月光。裏住紅巾防釧
響，與歡花下捉迷藏。

寂寥無計度芳時，買得雕籠掛月扉。忽愛畫眉名字
好，放他回去一雙飛。

直侯平生嗜爲詩日恒數篇出其半宗尙白陸嘗言
詩者陶冶性靈非以名技但取適意妹淑告徂此事
坐廢偶有題詠愈不務工然漸近老蒼矣武岡鄧辛
楣論君詩如渥注神駒一日千里微嫌蹄齧爾知言
哉遺軼散佚畧盡此卷心夔篋中所藏非其至者時
方多故及今宜彙存之異日人琴之憾庸少釋焉卷
中以類相次他不詮敘爲作傳以冠其書咸豐七年
閏月心夔再識

問園遺集

望

問園遺集

黃州知府夫器盡出余心夔中初獲其至者
歸爲書跋取錄而歸一日千里微嫌蹄齧爾知言
坐廢偶有題詠愈不務工然漸近老蒼矣武岡鄧辛
楣論君詩如渥注神駒一日千里微嫌蹄齧爾知言
哉遺軼散佚畧盡此卷心夔篋中所藏非其至者時
方多故及今宜彙存之異日人琴之憾庸少釋焉卷
中以類相次他不詮敘爲作傳以冠其書咸豐七年
閏月心夔再識

先君子性孝友重氣節平生好學不倦著述甚夥以
名士稱於世卿大夫爭聘之凡問園詩文集二十四
卷四書註解二十卷五經釋義五十六卷問園詞藁
八卷秋海棠傳奇十六卷空山夢傳奇一卷紅樓夢
評批三十二卷履福生晚不知珍惜又叠遭兵燹燬
棄無餘僅存遺藁七十一首空山夢傳奇一卷係高
丈心夔手錄代刻於南昌非傑作也高丈歿後板亦
失履福從鄉人處乞得此本藏之篋中駸駸十年深
懼先業隕墜今荷

問園遺集

哭

大人先生賜序題詞更當彙刻問世庶不負

諸公之盛意以存先君子之手澤云爾光緒十七

年辛卯冬男履福謹識於順天中都官廨

兼灑翁勤齋數藥以十一首空山夢傳奇一卷詩高

稿卅三十二卷風韻主刺不似廷辭又叠燬其寶歌

八卷秋海棠傳奇十六卷空山夢傳奇一卷紅樓夢

評批三十二卷履福生晚不知珍惜又叠遭兵燹燬

棄無餘僅存遺藁七十一首空山夢傳奇一卷係高

丈心夔手錄代刻於南昌非傑作也高丈歿後板亦

